

06218

陸九芝
手批本

本草述鉤沉

本草述鉤元藥目

卷八下 芳草部

香附 藿香 香薷 薄荷 荊芥

紫蘇 蘇子 水蘇 卽雞蘇 蛇床子

葶撥 蘭草 卽醒頭草 澤蘭

卷九 隰草部

菊 銀菊 艾 茵陳蒿 青蒿

茺蔚子 茺蔚草 卽益母草 夏枯草 旋覆花 卽金沸草

劉寄奴 紅藍花 卽紅花 大薊根 小薊根

續斷 苧麻 胡盧巴 牛蒡子 葇耳 卽蒼耳子

豨薟

蘆根

麻黃

根節

木賊

生地黄

熟地黄

牛膝

紫苑

麥門冬

葵

根苗

冬葵子

蜀葵花

蜀葵子

欵冬花

酸漿草

子

鼠麴草

卽佛耳草

決明子

青藉附見

本草述鉤元卷八下

芳草部

武進楊時泰貞頤輯

香附子

上古謂之雀頭香可以合香

生於莎草根下其根有鬚鬚

下結子一二枚轉相延生周匝有毛采得燎去曝乾貨之

李

湖

雖生於莎草根然根上或有或無不可便以根當之

宗

蕘

味甘兼辛而微苦氣平而香性燥氣厚於味陽中之陰血中

氣藥降也入足厥陰氣分並入手太陰少陽兼行十二經八

脉氣分

芎藭爲之使

生用上行胸膈外達皮膚熟用下

走肝腎外徹腰足炒黑則能止血

瀕湖

主治一切氣利三焦

解六鬱散時氣寒疫及心腹中客熱並常日憂愁不樂心忪

少氣霍亂吐逆痞滿腹脹消飲食積聚痰飲治膀胱間連脇

下氣妨去瘀血生血理婦人崩漏帶下月候不調胎前產後

諸病諸本草用童便浸過能總解諸鬱凡血藥必用之以引

至氣分而生血此陽生陰長之義也丹溪童便浸炒入血分

而補虛鹽水浸炒入血分而潤燥青鹽炒則補腎氣酒浸炒

則行經絡醋浸炒則消積聚薑汁炒則化痰飲湖潁得人參

白朮則補氣得當歸地黃則補血得木香流滯和中得檀香

理氣醒脾得沉香升降諸氣得芎藭蒼朮總解諸鬱得梔子

黃連能降火熱得茯神交濟心腎得茴香破故紙引氣歸元

得厚朴半夏決壅消脹得紫蘇葱白解散邪氣得三稜莪茂
消磨積塊得艾葉治血氣暖子宮乃氣病之總司女科之主
帥也

又

能推陳致新故諸書皆云益氣俗有耗氣之說宜

於女人不宜於男子者非蓋婦人以血用事氣行則無疾老
人精枯血閉惟氣是資小兒氣曰充形乃曰固大凡病則氣
滯而餒故香附於氣分爲君藥臣以參芪佐以甘草治虛怯
甚速

韓
悉

香附爲氣鬱血滯必用之藥然用之調血須輔以

益血涼血之品卽氣虛者兼入補氣藥乃可奏功

仲
厚

交感

丹凡人中年精耗神衰由心血少火不下降腎氣憊水不上
升心腎隔絕榮衛不和上則多驚中則寒痞飲食不下下則

虛冷遺精。愚醫徒知補下。非惟不能生水。滋陰而反見衰悴。

但服此方半年。屏去一切煖藥。絕嗜欲。然後習秘固。泝流之

術。效難殫述。香附一斤新水浸一宿炒黃。同茯神四兩爲末。

蜜丸彈子大。每早用降氣湯細嚼一丸。降氣湯香附五錢茯

神二兩炙甘草一兩半爲末。點沸湯服。前藥血崩秘方香附

一斤童便浸透砂器中炒炒時不住手灑童便火弗過猛炒

三晝夜爲度。川木耳四兩紙包裹以新瓦兩片夾定。繩縛泥

固火煨存性。覺煙起良久急去火。取置冷地候冷。取出同香

附研極細如麪。每空心用淡醋湯調服五七分。按崩漏以氣

鬱不行血瘀經滯淋瀝不止者。用此疏之。瘀血去而新血生。

則氣體自和 心腹刺痛小烏沉湯香附去毛焙二十兩烏藥

十兩炙甘草一兩爲末每服二錢鹽湯隨時點服 停痰宿

飲風氣上攻胸膈不利香附皂莢水浸半夏各一兩白礬末五錢

薑汁麴糊丸梧子大每服三四十丸薑湯隨時下 疰瘕往

來疼痛香附南星等分爲末薑汁糊丸梧子大每薑湯下二

三十丸 癰疽脹痛及小腸氣香附末二錢以海藻一錢煎

酒空心調下并食海藻 氣鬱頭痛香附炒四兩川芎二兩

爲末每服二錢臘茶清調下 肝虛睛痛冷淚羞明補肝散

香附一兩夏枯草五錢爲末每服一錢茶清下 四製香附

丸香附去毛一斤分作四分用醇酒醇醋鹽水童便各浸春

三夏一秋五冬七日淘淨曬搗微焙爲末醋糊丸梧子大每
酒下七十丸治女人經候不調兼諸病瘦人加澤蘭赤苓末
二兩氣虛加四君子料血虛加四物料 按用香附必審其
所因并病於何經而用何藥特借此味爲先導爲輔佐卽數
方可例其餘

論 香附之味甘甘爲生氣生血之元兼有辛辛金歸肺而
主氣後兼有苦苦火歸心而主血夫辛甘爲陽甘多兼辛是
陽居其有餘也苦爲陰甘多苦少是陰居其不足也先甘而
次兼乎辛由辛而次兼乎苦本有餘之陽並入於陰而效其
用猶肺氣下降入心而生血之義故爲陽中之陰血中之氣

藥也。瀕湖謂足厥陰手少陽藥。夫手少陽非專主氣者乎。不知手少陽與手厥陰表裏三焦之氣不化爲火者。由手厥陰之血無病也。既入血中之氣以效用。將舍三焦之氣而效於何氣乎。氣血各有陰陽之分。是卽所謂陰氣也。上焦包絡所抑鬱者能開之以包絡主血也。中焦脾胃所生病如霍亂食積痰痞能鬯之以胃生血脾統血也。下焦肝腎所生病如膀胱連脇下氣妨及下血尿血月候崩帶能調之以肝固血之藏腎乃血之海也。之頤謂其開發上焦卽中焦亦藉之以宣化下焦亦藉之以血中氣行則血以和而生血以和生則氣宣瀆斯言近之。有所依而健運不窮。是之謂生血。是之謂益氣。卽氣虛而事補益者亦藉此導去虛中之著。韓氏所謂去虛快甚速也。第其香燥類云燥血。繆氏故謂調血須輔以益血涼血之味大

抵寒濕之傷氣者乃傷乎血此味固是的對卽火熱病氣及

寒濕化火治以降火而用苦寒亦宜此味從而和之之聘爲諸藥

之聘如黃鶴丹之用同黃連其義可思矣

香附苦辛香燥凡月事先期屬血熱者禁用仲淳按氣鬱多

用氣弱而鬱者必同補劑用更有火傷元氣以致鬱者治須

降火而以此佐之若槩謂開氣之鬱反以燥助其火則氣愈

弱而愈鬱矣

修治 細者佳去毛以水洗淨於石臼內搗去皮忌鐵用童便

浸透曬搗用 用稻草煮之味不苦或生或炒或以酒醋酥

鹽水薑汁浸俱瓦上焙乾 炒至黑色禁崩漏下血研末醋

調敷乳腫成癰用理氣痛醋炒尤妙

藿香

嶺南頗饒所在亦有二月宿根再發亦可子種七月擢穗作
花子似茺蔚五六月未擢穗時采莖葉曝乾可著衣中用充
香草踰時則性緩無力之頤潔古東垣惟用葉取其敷布宣發

葉味辛兼甘微苦氣微溫氣厚味薄浮而升陽也入手足太
陰亦入足陽明經 主正氣去惡氣助胃氣開胃口止霍亂
定嘔逆及心腹痛散寒濕暑濕鬱熱濕熱蘊積邪熱并風熱
燥甚並治外感寒邪內傷飲食或飲食傷冷濕滯消風水毒
氣浮腫及山嵐瘴氣不伏水土寒熱作瘧等證飲酒口臭煎

湯嗽之 方書治脹滿消癰中風反胃傷暑頭痛發熱眩暈

酒毒黃疸中寒中濕中氣中惡積聚痰飲欬嗽關格心痛胃

脘痛痠盜汗不能食瀉泄滯下蠱毒 溫中快氣療肺虛有

寒上焦壅熱合二語是一氣行氣入肺功專脾胃門本芳

香開胃助脾之劑但入發散藥則快氣入補脾藥則益氣入

理氣藥則快脾滯又氣亂於腸遂作霍亂致亂正氣替惡

氣耳藿虛燥芳馥方莖中虛而有節具不逆不撓入羣不亂義立定

其亂因名曰藿方之奇方急方劑之宣劑輕劑燥劑也復

得砂仁炒鹽治霍亂 得人參茯苓橘皮木瓜砂仁治吐瀉

轉筋霍亂 得木香沉香乳香縮砂辟惡氣治中惡心腹疔

痛 得木香丁香人參蘇葉生薑治暴中寒邪吐逆不止

入烏藥順氣散則補肺入黃耆四君子湯則補脾入桂苓甘

露飲治中暑吐瀉 升降諸氣藿香 一兩 香附炒 五兩 爲末

每以白湯點服一錢 胎氣不安氣不升降嘔吐酸水香附

藿香甘草二錢爲末入鹽少許沸湯調服之

論 藿香二月苗七月穗夏時未穗先采其莖葉遲則性緩

而無加其味先辛次甘最後苦辛勝甘遜苦則微是火土之

氣歸於燥金金仍歸土由火親土而火氣卽已宿於土由土

化金而金氣還以暢乎土所以能助胃氣開胃口正氣而去

惡氣也蓋胃之氣上致於肺使肺氣或爲他氣所亂則胃氣

卽不能行而胃口亦爲之不開此味由燥金之氣以敷布宣發不獨六氣之淫祛其外受并七情之偏極於內鬱者無不佐主劑而平治之卽中土虛弱亟行補益者亦堪定以正氣而還返之要當就由火歸土之義以求其功用非恃有火令偏勝之氣乃能戡亂也夫天地有大橐籥焉爲宣布爲蓄藏當宣布之極於外而其中蓄藏之蘊便有脈脈禪代而密移者萬物統在其氣中而不知也是物賦有大火之精氣則其禪代密移之微固已全昇矣惟天地橐籥神機其宣布欲盡時卽是禪代交承處是天地之氣原非偏勝而取此味之定亂者又豈以偏勝爲功哉要知陰陽橐籥總藉土爲轉關故

四序之禪代俱不能離土且六氣必以火為主而火遊行於六氣之中必以土爲歸因陽火出於地亦藏於地也經言胃土行氣於三陰三陽而脾土亦爲之行氣於三陰三陽此可識火不能離土即陽不能離陰之義矣

雖治嘔吐若中焦火盛熱盛及邪實作嘔作脹者並禁

仲淳

辨治 自種者良揉之如蘘香氣者真薄荷香者非也水洗

去土梗用葉

香薷

荆湖南北中州二川皆有之四月生苗葉似茵陳穗似荆芥花似水蘇氣味則迥別一種葉大莖方一種葉最細僅高數

寸芬芳轉勝乃石香薷也九月開花著穗時采之彌佳

味辛氣微溫可升可降陽也入足陽明太陰手少陰經 主

治散肺邪氣助肺清化脾胃得之鬱開氣下撥濁回清定霍

亂腹痛吐下散水腫利小水止吐衄療中暑內熱煩渴爲要

藥 香薷屬金與水而有徹上徹下之功治水甚捷肺得之

則清化行而熱自降

丹溪

大葉者治傷暑利小便煎濃汁成

膏丸服治水脹病效

又

香薷飲爲治暑首藥然傷暑有乘

涼飲冷陽氣爲陰邪所遏遂病頭痛發熱惡寒煩渴或吐瀉

霍亂者宜用此以發越陽氣散水和脾若飲食不節勞役斲

喪而傷暑大熱大渴汗泄如雨煩躁喘促或瀉或吐者必用